



Expediente núm.: 161/2024

Procedemento: Ordenanza Fiscal Reguladora da Taxa pola prestación do servizo do programa lúdico educativo de apertura de centros de ensino fora do horario lectivo do Concello de Agolada.

Asunto: APROBACIÓN DA ORDENANZA FISCAL REGULADORA DA TAXA POLA PRESTACIÓN DO SERVIZO DO PROGRAMA LÚDICO EDUCATIVO DE APERTURA DE CENTROS DE ENSINO FORA DO HORARIO LECTIVO DO CONCELLO DE AGOLADA.

ORDENANZA FISCAL REGULADORA DA TAXA POLA PRESTACIÓN DO SERVIZO DO PROGRAMA LÚDICO EDUCATIVO DE APERTURA DE CENTROS DE ENSINO FORA DO HORARIO LECTIVO DO CONCELLO DE AGOLADA

Artigo 1º.- Fundamento e Réxime

No uso da facultades conferidas polos artigos 133.2 e 142 da Constitución, e polo artigo 106 da Lei 7/85, do 2 de abril, reguladora das bases de réxime local, e de conformidade co disposto nos artigos 17, e 20 e seguintes do Texto Refundido da Lei reguladora das Facendas Locais aprobada por RDL 2/2004, de 5 de marzo, o Concello de Agolada establece as taxas pola prestación do Servizo do Programa Lúdico Educativo de apertura de Centros de Ensino fóra do horario lectivo, que se rexerá pola presente ordenanza fiscal.

Artigo 2º.- Feito imponible

Constitúe o feito imponible da taxa a prestación do servizo do Programa Lúdico Educativo de Apertura de Centros de Ensino fóra do horario lectivo. Con este Programa desenvolveranse actividades dirixidas aos menores dentro dun entorno socio-educativo onde se apoia a conciliación de traballo, familia e formación, permite a utilización das instalacións educativas como recursos para a realización de actividades que consisten en:

- O programa " Madruga" que basicamente ten un labor de conciliación a realizar polo Concello de 8:45 á 9:45 horas en horario de mañá e de 15:45 á 17:45 en horario de tarde, no Centro de Educación Infantil e Primaria (CEIP) Plurilingüe de Agolada, sempre que se acade matrícula suficiente, dirixido a nenos e nenas de Educación Infantil e Primaria. No programa realizaranse distintas actividades dirixidas ao desenvolvemento intelectual, persoal, social e cultural dos nenos.
- Campamentos de Verán terán lugar nos espazos mencionados no parágrafo anterior, sempre que haxa matrícula suficiente.

Non están suxeitas a esta taxa as prazas reservadas por razóns de emerxencia social de conformidade co regulamento do servizo.





Artigo 3.- Suxeito pasivo

- 1- Son suxeitos pasivos desta taxa, en concepto de contribuíntes, as persoas que resulten beneficiadas ou afectadas pola actividade administrativa ou servizo que constitúe o feito impoñible desta taxa.
- 2- Tendo en conta que os usuarios do servizo gravado por esta taxa son menores de idade que non teñen capacidade de obrar, actuarán no seu nome, cos efectos previstos na Lei Xeral Tributaria, os seus pais, titores ou calquera outro representante legal.

Artigo 4º.- Responsables

Responderán solidariamente das obrigas tributarias do suxeito pasivo as persoas físicas ou xurídicas que sexan causantes ou colaboren na realización dunha infracción tributaria.

Artigo 5º.- Cota tributaria

1. A cota tributaria virá determinada pola aplicación das tarifas máximas fixadas neste artigo e, tendo en conta, no seu caso, os coeficientes redutores que se establecen no artigo seguinte, atendendo a criterios xenéricos de capacidade económica.

RENDA PER CÁPITA MENSUAL	MADRUGA	CAMPAMENTO VERÁN
Inferior a 120,20 €	4 €	50 €
De 120,21 á 180,30 €	8 €	65 €
De 180,31€ a 240,40 €	12 €	80 €
De 240,41 á 330,56 €	16 €	95 €
Máis de 330,56 €	20 €	110 €

No campamento de verán, no suposto de que se opte por quincenas, ou por mes completo as taxas a pagar serán as seguintes:





QUENDA	PORCENTAXE A PAGAR
Mes completo	100%
Quincena	55%

2. Enténdese por renda per cápita mensual o resultado de dividir polo número de persoas que compoñen a unidade familiar, o cociente resultante de dividir entre 12 a suma dos ingresos totais da unidade familiar.

Defínese a unidade familiar como a formada polos cónxuxes non separados legalmente e, no seu caso, os fillos e as fillas menores con excepción dos que, con consentimento dos pais, vivan independentes destes e os fillos maiores de idade e menores de 26 anos e os incapacitados xudicialmente suxeitos á patria potestade prorrogada ou rehabilitada ou os así declarados pola administración autonómica competente.

Nos casos de separación legal ou cando non existe o vínculo matrimonial a unidade familiar estará formada polo pai ou a nai e tódolos fillos e fillas que convivan con un ou outro e reúnan os requisitos descritos no parágrafo anterior.

A determinación dos membros da unidade familiar farase atendendo á situación existente a 31 de decembro de cada ano, revisándose as condicións económicas dos solicitantes a data 31 de xullo do ano en curso.

Artigo 6º.- Reducións

1. Segundo as circunstancias da unidade familiar, das cotas resultantes de aplicar as tarifas establecidas no Artigo 5º desta ordenanza, realizaranse os seguintes descontos:
 - a) 20% no caso de nenos/as que pertencen á unidade familiar monoparental.
 - b) 20% no caso de asistencia do segundo irmán ás mesmas actividades, 40% no terceiro irmán e os seguintes irmáns quedarán exentos.
 - c) Os anteriores descontos, cando se dean nunha mesma persoa, serán acumulables.





2. No suposto de nenos/as que soliciten ingreso no Plan Corresponsales do Concello de Agolada e non estean empadroados, abonarán o custo total do servizo, sen aplicar as reducións previstas.

Artigo 7º.- Período impositivo e retribución

1. O período impositivo coincide co mes natural de presentación de servizos. A cota tributaria resultante da aplicación dos dous preceptos anteriores non poderá reducirse aínda cando a prestación do servizo non teña lugar durante todo o mes natural.

No Campamento de Verán o período impositivo será quincenal.

2. A taxa retribúese co inicio do mes natural, agás nos casos de incorporación ó servizo con posterioridade a tal data, no que se retribuirá a taxa coa correspondente alta.

Artigo 8º.- Xestión e recadación da taxa

1.-A liquidación da cota tributaría practicarase por meses naturais e deberanas aboar os interesados nos dez primeiros días de cada mes, na entidade ou entidades financeiras que indique o Concello. En calquera momento o suxeito pasivo terá a posibilidade de domiciliar os recibos.

2.- A falta de asistencia do usuario ao centro durante un período determinado non supón redución ningunha, nin extinción de tarifa, mentres non se formalice a baixa correspondente.

Artigo 9º.- Infraccións e sancións

En materia de infraccións e sancións estarase ó disposto na Lei Xeral Tributaria e nas disposicións que a complementen e a desenvolvan.

Artigo 10º.- Documentación acreditativa

A acreditación da situación de familia monoparental poderá realizarse mediante sentenza de separación/divorcio, certificado de defunción, resolución xudicial de situación de violencia, libro de familia, ou carné de familia monoparental.

A acreditación da renda poderá realizarse mediante aportación da declaración da renda. No caso de non estar obrigados á presentación da mesma poderá realizarse mediante nóminas, certificado de empresa, certificado de pensións ou calquera outro documento que os avale unido á declaración xurada de non percibir outros ingresos.





Disposición derogatoria

Quedan derogadas cantas disposicións municipais de igual ou inferior rango se opoñan ó establecido nesta ordenanza.

Disposición final

A presente ordenanza fiscal entrará en vigor unha vez aprobada definitivamente e publicada no Boletín oficial da Provincia de Pontevedra, permanecendo vixente ata que se acorde a súa modificación ou derogación.

En Agolada, na data da sinatura electrónica.

O Alcalde-Presidente

Luis Calvo Miguélez

